



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1652. usque ad annum 1662

Fleury, Claude

August. Vind. [u.a.], 1779

VD18 90119185

§. 85. Synodi Tornacensis statuta.

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

Sæc. XVII. cultatem habuerit. Statuit etiam, ne
 A. C. 1661. ullus extra diem Natalem bis eodem
 die Missam celebret, nisi ratione con-
 cursus, aut ob repentinum morbum vicini
 Pastoris, aut ex speciali licentia Epi-
 scopi: præcepit insuper, ut singuli Pa-
 rochi in visitatione exhibeant Concilium
 Tridentinum, utrumque Provinciale,
 & novissimum Cameracense, cum pro-
 prii nominis & cognominis inscriptione
 in prima pagina. Voluit etiam, ut
 Decani Eremitis Episcopi statuta præ-
 gant, & si transgressores ter puniti se
 non emendaverint, eos habitu exuant,
 nullus autem ad habitum admittatur,
 nisi prius per integrum annum apud
 alios Eremitas ab Episcopo designan-
 dos habitaverit, & eorum testimonio
 commendatus fuerit.

§. LXXXV.

Synodi Tornacensis statuta.

Concil. Germ.
l. c. Rursus Franciscus Villani de Gandavi
 Tornacensis Episcopus in sua Sy-
 nodo die tertio Maji celebrata plura
 sanctiones antea editas innovavit, pro-
 hibuitque, ne opera Caroli Molinæi le-
 gerentur, statuitque, ut nomine te-
 tius Cleri Regiæ Majestati supplicare-
 tur, quatenus denuo suum edictum de
 super innovare dignetur, adjectis etiam
 poenis

pœnis gravioribus mille florenorum, aut etiam confiscationis bonorum vel exilii. Insuper nullum ad Subdiaconatus ordinem admitti voluit, nisi vere possideat bona annui redditus centum quinquaginta florenorum. Insuper Christophorus Bernardus a Galen Monasteriensis Episcopus die prima Octobris epistolam Pastoralem edidit, in qua Clero suo observantiam variorum statutorum impense commendavit.

Sæc. XVII.
A. C. 1661.

§. LXXXVI.

Julii Mazarini Cardinalis obitus.

Inter Purpuratos, qui hoc anno fati-
cessere, tam mortis casu, quam ge-
storum fama primus exstitit Julius Ma-
zarinus Piscinæ in Aprutio ex nobili
Romana prosapia ortus. Hic primævo
naturæ Beneficio præclaris dotibus ad
conciliandum amorem & ad heroicas
actiones idoneis ubertim præditus, Ro-
mæ humanioribus literis, & Al-
calæ in Hispania Jurisprudencia inge-
nium suum excoluit: inde vero Ro-
mam reversus, atque utriusque Juris
Doctor anno ætatis suæ vigesimo re-
nuntiatus Patris sui falso de homicidio
accusati Advocatum egit, eumque ci-
tissime a calumnia exemit. Exorto
Vallis Telinæ tumultu Julius togam
Tt 3 exuit,

*Hode Hist. de
Louis XIV.
Nani Hist.
Venet. l. 8.
tom. 2.
Hist. du
Card. Maz.
tom. 2.*